

জুমুআর খুতবার সারাংশ

‘আল্লাহ্ তা’লার ‘কভী’ বৈশিষ্ট্য সম্পর্কে পবিত্র কুরআনএবং মসীহ্ মওউদ (আ.)-এর বিভিন্ন উদ্ধৃতির আলোকে তত্ত্বপূর্ণ আলোচনা’

সৈয়্যদনা হযরত আমীরুল মু’মিনীন খলীফাতুল মসীহ্ আল্ খামেস (আইঃ)

বাইতুল ফুতুহ্ মসজিদ, লন্ডন, ইউকে

৯ই অক্টোবর, ২০০৯ইং

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ. أَمَّا بَعْدُ فَأَعُوذُ بِاللَّهِ مِنَ الشَّيْطَانِ
الرَّجِيمِ *

بِسْمِ اللَّهِ الرَّحْمَنِ الرَّحِيمِ * الْحَمْدُ لِلَّهِ رَبِّ الْعَالَمِينَ * الرَّحْمَنُ الرَّحِيمِ * مَالِكِ يَوْمِ الدِّينِ * إِيَّاكَ نَعْبُدُ وَإِيَّاكَ
نَسْتَعِينُ * أَهْدِنَا الصِّرَاطَ الْمُسْتَقِيمَ * صِرَاطَ الَّذِينَ أَنْعَمْتَ عَلَيْهِمْ غَيْرِ الْمَغْضُوبِ عَلَيْهِمْ وَلَا الضَّالِّينَ (আমীন)

উচ্চারণ: আশহাদু আন্ লা ইলাহা ইল্লাল্লাহু ওয়াহুদাহু লা শারীকালাহু ওয়া আশহাদু আন্না মুহাম্মাদান আবদুহু ওয়া রাসূলুহু আম্মা বা’দু ফাউযু বিল্লাহি মিনাশ্ শাইতানির রাজীম। বিসমিল্লাহির রহমানির রাহীম। আলহামদু লিল্লাহি রব্বিল আলামীন আর্ রহমানির রাহীম মালিকি ইয়াওমদিন ইয়্যাকা না’বুদু ওয়া ইয়্যাকা নাসতাঈন ইহদিনাসসিরা তাল মুস্তাকীম সিরাতাল্লাযীনা আনআমতা আলাইহীম গাইরিল মাগযুবে আলাইহীম ওয়ালায্ যোয়াল্লীন। (আমীন)

হযর আনোয়ার (আই.) বলেন, কুরআন করীমের বেশ কয়েকটি স্থানে আল্লাহ্ তা’লার ‘কভী’ বৈশিষ্ট্যের উল্লেখ রয়েছে। ‘কভী’ আল্লাহ্ তা’লার একটি গুণবাচক নাম। এটি সাধারণভাবে মানুষের জন্য শক্তিশালী অর্থে ব্যবহৃত হয়। এছাড়া শারীরিক ও মেধাগত শক্তি, কোন কাজ করার যোগ্যতা রাখা এবং জ্ঞানের দিক থেকে দৃঢ় দলিল-প্রমাণের অধিকারী হবার অর্থেও এই শব্দটি ব্যবহৃত হয়। কিন্তু আল্লাহ্ তা’লার জন্য আমরা যখন ‘কভী’ শব্দ ব্যবহার করি, তখন এর অর্থ হবে সব ধরনের শক্তির অধিকারী, যার মোকাবেলা কেউ করতে পারে না, তিনি সকল শক্তিশালী হতেও অধিক শক্তির অধিকারী। তিনি তাঁর সৃষ্টিকেও একটি নির্দিষ্ট সীমা পর্যন্ত বিভিন্ন ধরনের শক্তি-সামর্থ্য দান করেছেন।

হযর বলেন, আল্লাহ্ তা’লা পবিত্র কুরআনে বিভিন্ন সূত্রে তাঁর এ গুণবাচক নামের উল্লেখ করেছেন। যেখানেই তিনি এই বৈশিষ্ট্যের উল্লেখ করেছেন, তা মূলতঃ মানুষকে সতর্ক করা ও মন্দ পরিণাম সম্পর্কে ভয় দেখানোর জন্য ব্যবহার করেছেন। অথবা সেসব মানুষের পরিণাম উল্লেখ করেছেন, যাদের উপর অবাধ্যতার কারণে আল্লাহ্ তা’লার শাস্তি নেমে এসেছিল। এর পাশাপাশি তিনি এও বর্ণনা করেছেন, আল্লাহ্ তা’লাকে যারা সমস্ত শক্তির আধার ও সর্বশক্তিমান জ্ঞান করে, তারা আল্লাহ্ তা’লার কৃপাজনক হয়। আল্লাহ্ তা’লা সর্ব প্রথম সূরা বাকারায় সে সব মুশরেকদেরকে সতর্ক করেছেন, যারা আল্লাহ্কে পরিত্যাগ করে দেব-দেবী বা প্রতিমা পূজা করে।

আল্লাহ্ তা’লা বলেন,

وَمِنَ النَّاسِ مَنْ يَتَّخِذُ مِنْ دُونِ اللَّهِ أَندَادًا يُحِبُّونَهُمْ كَحُبِّ اللَّهِ وَالَّذِينَ أَمْنُوا أَشَدُّ حُبًّا لِلَّهِ وَلَوْ يَرَى
الَّذِينَ ظَلَمُوا إِذْ يَرَوْنَ الْعَذَابَ أَنَّ الْقُوَّةَ لِلَّهِ جَمِيعًا وَأَنَّ اللَّهَ شَدِيدُ الْعَذَابِ

অর্থাৎ, ‘মানুষের মাঝে এমন লোকও আছে যারা আল্লাহ্কে ছেড়ে অন্যদেরকে তাঁর সমকক্ষ বানিয়ে নেয়। তারা তাদেরকে আল্লাহ্ তা’লাকে ভালবাসার ন্যায় ভালবাসে, কিন্তু যারা ঈমানদার তারা আল্লাহ্ তা’লাকে সর্বাধিক ভালবাসে। হায়! যারা অত্যাচার করেছে তারা যদি (এখনই) বুঝতে পারতো যে, যখন (পরে) তারা আযাব প্রত্যক্ষ করবে, (তাহলে তারা বুঝতো যে) আল্লাহ্ই সমস্ত শক্তির আধার এবং আল্লাহ্ শাস্তি প্রদানে অতি কঠোর।’

(সূরা আল্ বাকারা: ১৬৬)

আল্লাহ তা'লা এ আয়াতের প্রথমাংশে বলেছেন, মানব সৃষ্টির উদ্দেশ্য হচ্ছে, আল্লাহ তা'লাকে ভালবাসা এবং তাঁকে স্মরণ রাখা। কিন্তু কোন কোন মানুষ এ উদ্দেশ্যকে ভুলে যায় বরং এ দিকে মনোযোগই দেয় না। পৃথিবীর অধিকাংশ মানুষ আল্লাহ তা'লার ভালবাসা সম্পর্কে জানেই না এবং এটা বুঝারও চেষ্টা করে না; পক্ষান্তরে তারা প্রকাশ্যে দেবদেবীকে হৃদয়ে স্থান দেয়, বিভিন্ন ধরনের প্রতিমা তাদের হৃদয়ে আসন গেড়ে বসেছে। তাদের হৃদয়ে দেবদেবীর প্রতি ভালবাসা এমনভাবে প্রথিত হয়ে যায় যে, তাদের মাঝে আল্লাহ তা'লার প্রতি ভালবাসার চিন্তাও আর অবশিষ্ট থাকে না। পক্ষান্তরে একজন প্রকৃত মু'মিন আল্লাহ তা'লার ভালবাসাকে সব কিছুর উর্ধ্বে স্থান দেয়।

হযূর বলেন, এ আয়াত আল্লাহ তা'লার কাছ থেকে দূরে অবস্থানকারীদের জন্য একটি সতর্কবাণী স্বরূপ। আল্লাহ তা'লা অন্যত্র বলেছেন, যারা শিরক করবে আমি তাদেরকে কখনই ক্ষমা করবো না। কাজেই, এ পৃথিবীর সাময়িক ভোগবিলাস তোমাদেরকে আল্লাহ তা'লা হতে উদাসীন করে মন্দ পরিণামের দিকে ঠেলে দিচ্ছে। কিন্তু তিনি মু'মিনদেরকে বলেছেন, তোমরা যদি মু'মিন হওয়ার দাবী কর তবে জেনে রেখো, প্রকৃত মু'মিনের পরিচয় হল, সে আল্লাহ তা'লাকে সর্বাধিক ভালবাসে। সব কিছুর উপর আল্লাহ তা'লার ভালবাসাকে প্রাধান্য দেয়। ইহলৌকিক ও পারলৌকিক জীবনে সে যেসব পুরস্কার পাবে তা মূলতঃ আল্লাহকে ভালবাসার জন্যই পাবে। অতএব, একজন মু'মিনকে সর্বদা এ কথা মনে রাখতে হবে যে, আল্লাহ তা'লার সাথে তার ভালবাসা তখনই পূর্ণতা লাভ করবে, যখন তাঁর রসূল (সা.)-এর প্রতিও নিঃস্বার্থ ভালবাসা থাকবে। **اللَّهُ أَكْبَرُ** (সূরা আল ইমরান: ৩২) এর বিষয়বস্তুটি উপলব্ধি করতে হবে। মুহাম্মদ (সা.)-এর প্রতি পরম শান্তি ও আশিস কামনার মাধ্যমে নিজ ভালবাসার বহিঃপ্রকাশ ঘটতে হবে।

হযূর বলেন, খোদা তা'লাকে ভালবাসার ফলে মু'মিনের মাঝে যে খোদাপ্রেম সৃষ্টি হওয়া উচিত, তারা যদি এর প্রতি দৃষ্টি না দেয়, তবে তারা নিজেদের প্রাণের উপর যুলুম করবে।

এই ভালবাসা কীরূপ হওয়া উচিত এবং এর প্রকৃত গভীরতা কি? এবং এর উদ্দেশ্য কি? এ সম্পর্কে হযরত মসীহ মওউদ (আ.) বলেন:

‘জানা উচিত যে, ভালবাসার মাঝে কৃত্রিমতা এবং লৌকিকতা শোভা পায় না। বরং মানবীয় বৃত্তির একটি বৈশিষ্ট্য হলো, হৃদয় যে জিনিষকে পছন্দ করে তার প্রতি আকৃষ্ট হয়। আর যেভাবে প্রতিটি জিনিষের আসল বৈশিষ্ট্য তার চরম উৎকর্ষতার সময় প্রকাশ পায়। ভালবাসার অবস্থাও তদ্রূপ, প্রকৃত সৌন্দর্য্য সে সময় সুস্পষ্টভাবে প্রকাশ হয় যখন তা পূর্ণতা পায় ও চরমোৎকর্ষে পৌঁছে। আল্লাহ তা'লা বলেন, **أَشْرَبُوا نِيَ قُلُوبِهِمُ الْعُجْلَ** (সূরা আল বাকার: ৯৪) অর্থাৎ, তারা গোবৎসকে এত ভালবাসে যেন গোবৎসকে শরবতের ন্যায় তাদের পান করানো হয়েছে। প্রকৃতপক্ষে, যে ব্যক্তি কাউকে পরিপূর্ণরূপে ভালবাসে মনে হয় যেন সে তাকে পান করে বা খেয়ে ফেলে এবং তার চারিত্রিক গুণাবলী ও আচার-ব্যবহারের রঙ্গ রঙ্গীন হয়ে যায়। আর ভালবাসা যতই গভীর হয়, ততই মানুষ তার প্রেমাস্পদের গুণাবলীর প্রতি আকর্ষিত হতে থাকে। এমনকি তার রূপ ধারণ করে, যাকে সে ভালবাসে। এটাই সেই নিগূঢ় তত্ত্ব; যে ব্যক্তি খোদাকে ভালবাসে সে নিজ সামর্থ্যনুযায়ী প্রতিচ্ছায়া রূপে সেই আলোতে আলোকিত হয়, যা খোদা তা'লার সত্তায় রয়েছে। আর শয়তানকে যে ভালবাসে সে সেই অন্ধকার লাভ করে, যা শয়তানের মধ্যে রয়েছে।

প্রকৃত ভালবাসার দাবী হলো, সত্যনিষ্ঠার সাথে প্রেমাস্পদের সমস্ত অভ্যাস, চারিত্রিক গুণাবলী এবং ইবাদত সমূহ পছন্দ করা এবং তাতে বিলীন হবার জন্য মনে প্রাণে চেষ্টিত থাকা, যাতে তার ভালবাসার মধ্যে বিলীন হয়ে সেই জীবন লাভ করতে পারে যা প্রেমাস্পদ লাভ করেছে। প্রকৃত প্রেমিক তার প্রেমাস্পদের মাঝে বিলীন হয়ে যায়। সে তার প্রেমাস্পদের মত হয়ে যায়। এবং নিজের মাঝে তার এমন চিত্র ধারণ করে যেন তাকে পান করে ফেলেছে বা খেয়ে ফেলেছে। মোটকথা, তার হৃদয়ে অবস্থান করে তার সত্তায় বিলীন হয়ে, তার রঙ্গ রঙ্গীন হয়ে এবং তার সাথে থেকে মানুষকে জানিয়ে দেয় যে, আসলেই সে তার প্রেমাস্পদের মাঝে হারিয়ে গেছে। মোহাব্বত একটি আরবী শব্দ আর এর আসল অর্থ হচ্ছে পরিপূর্ণ হওয়া। অতএব, আরবে এই উদাহরণ বহুল প্রচলিত, গাধার পেট যখন পানিতে ভরে যায় এটিকে বুঝানোর জন্য আরবরা বলে ‘তাহাঝ্বাবাল হেমাঝ্ব’ অর্থাৎ, ভালবাসার পানিতে তার পেট ভরে গেছে। আর যখন এটা বুঝাতে চায় যে, উট এত বেশি পানি পান করেছে যে, পানিতে ভরে গেছে তখন বলে ‘শারিবাতিল ইবিলু হাভা তাহাঝ্বাবাত’ আর ‘হাঝ্ব’ শস্যদানাকে বলা হয়। এই শব্দটিও তা থেকেই নির্গত হয়েছে। যার অর্থ হলো, পূর্বাভুক্ত দানা’র সমস্ত গুণাবলীতে পূর্ণ হয়েছে আর এরই ভিত্তিতে স্বর্ণকেও আহবাব বলে থাকে। কেননা যা অন্যের দ্বারা ভরে যাবে সে নিজ অস্তিত্বকে মিটিয়ে দেবে, যেনো ঘুমিয়ে পড়বে, আর তার অস্তিত্বের কোন কিছুই অবশিষ্ট থাকবে না।’

(গভর্নমেন্ট ইংরেজী আওর জিহাদ - রহানী খাযায়েন, ১৭তম খন্ড, পৃ: ৫-৬)

অতএব, আল্লাহ তা'লার প্রকৃত ভালবাসা ও তাঁর সন্তুষ্টি লাভের জন্য একজন মু'মিন নিজের সব কিছু উৎসর্গ করার চেষ্টা করে। তারপর দেখুন যে, সেই শক্তিশালী খোদা, যিনি সব শক্তির অধিকারী, তিনি তার বান্দার জন্য কি করেন।

এরপর আল্লাহ তা'লা সূরা হজ্জ শক্তিশালী কাফিরদের মোকাবিলায় তাঁর শক্তিশালী হবার কথা বলে মু'মিনদের সান্তনা দিয়েছেন। দুর্বলতা, সংখ্যা স্বল্পতা আর উপকরণের অপ্রতুলতা সত্ত্বেও তোমরা এই কাফিরদের সাথে যুদ্ধ কর কেননা, তারা কেবল শিকের চরম সীমায়ই পৌঁছেন, বরং অত্যাচারেও সীমা ছাড়িয়ে গেছে। এখন ধর্মের অস্তিত্বের প্রশ্ন, নতুবা যুলুম বেড়েই যাবে। আল্লাহর সাথে যারা শরীক করে তারা কোন ধর্মাবলম্বীকে সহ্য করে না। আল্লাহ তা'লা বলেন:

الَّذِينَ أُخْرِجُوا مِنْ دِيَارِهِمْ بِغَيْرِ حَقٍّ إِلَّا أَنْ يَقُولُوا رَبُّنَا اللَّهُ وَلَوْلَا دَفْعُ اللَّهِ النَّاسَ بَعْضَهُمْ بِبَعْضٍ
هَلَّا مَتَّ صَوَامِعُ وَبَيْعٌ وَصَلَوَاتٌ وَمَسَاجِدُ يُذْكَرُ فِيهَا اسْمُ اللَّهِ كَثِيرًا وَلَيَنْصُرَنَّ اللَّهُ مَنْ يَنْصُرُهُ إِنَّ اللَّهَ
لَقَوِيٌّ عَزِيزٌ

অর্থাৎ ‘সেসব লোক যাদেরকে তাদের ঘরবাড়ি থেকে অন্যায়ভাবে শুধুমাত্র এই দোষে বহিষ্কার করা হয়েছে যে, তারা বলে আল্লাহ আমাদের প্রতিপালক। যদি আল্লাহ তা'লা মানুষের একদলকে অন্যদল দ্বারা প্রতিহত না করতেন, তাহলে সাধু-সন্যাসীদের মঠ, গির্জা, ইহুদীদের উপাসনালয় এবং মসজিদসমূহ - যাতে অধিকহারে আল্লাহর নাম স্মরণ করা হয় অবশ্যই ধ্বংস করে দেয়া হত। নিশ্চয়ই আল্লাহ তাদেরকে সাহায্য করবেন, যারা তাঁকে সাহায্য করে। নিশ্চয়ই আল্লাহ অতিশয় শক্তিমান ও মহা পরাক্রমশালী।’

(সূরা আল হাজ্জ: ৪১)

অতএব, এই আয়াতে নীতিগত বিষয় বলে দেয়া হয়েছে, ধর্মীয় যুদ্ধ আমাদের উপর চাপিয়ে দেয়া হলে অবশ্যই তা প্রতিহত করতে হবে। শান্তি বজায় রাখার জন্য, কঠোরভাবে যুলুম-নির্যাতনের প্রতিউত্তর দেয়ার নির্দেশ দিয়েছেন। এমন পরিস্থিতিতে আল্লাহ তা'লার সাহায্য তোমাদের সাথে থাকবে। শুধু নিজের ধর্মের নয় বরং অন্যান্য ধর্মেরও সুরক্ষা করতে হবে। কেননা মুসলমানদের দাবী হলো, অপর কোন ধর্মের অনুসারীকে আমরা বাহুবলে ধর্ম পরিবর্তনে বাধ্য করবো না। কারণ এটি ইসলামী শিক্ষার পরিপন্থী। আর এ বিষয়টি বিশ্বের শান্তি বিনষ্টকারী। হেদায়াত দেয়া বা না দেয়াটা খোদা তা'লা নিজের হাতে রেখেছেন। তবে, ভালবাসা ও প্রজ্ঞার মাধ্যমে তবলীগ করার দায়িত্ব একজন মুসলমানকে পালন করা আবশ্যিক।

তৃতীয় বিষয় হলো, আল্লাহ তা'লা ধর্মীয় যুদ্ধে, নির্যাতিত ও সত্যের উপর প্রতিষ্ঠিতদের অবশ্যই সাহায্য করেন। সে যুগে মহানবী (সা.)-এর প্রতি যুলুম-নির্যাতন হচ্ছিল সীমাতিরিক্ত। মক্কায় অবস্থানকারী মুসলমানদের দুঃখ-দুর্দশা প্রতিনিয়ত বৃদ্ধি পাচ্ছিল। হিজরতের পরও মুসলমানদের সাথে ধর্মের কারণে যুদ্ধ করা হচ্ছিল। ফলে আল্লাহ তা'লা আপন প্রতিশ্রুতি অনুসারে পরম শক্তিশালী ও মহা পরাক্রমশালী হবার প্রমাণ দিয়েছেন। উপকরণের অপ্রতুলতা ও অনভিজ্ঞ হওয়া সত্ত্বেও মুসলমানদেরকে যখন যুদ্ধের নির্দেশ দেয়া হলো, তখন তিনি তাদের সাহায্যও করেছেন এবং মুসলমানদের সাহায্যের জন্য দলে দলে ফিরিশ্তা পাঠিয়েছেন।

হযূর বলেন, এ আয়াত হতে এটিও সুস্পষ্ট হয়ে গেল যে, আল্লাহ তা'লা শুধুমাত্র আত্মরক্ষা এবং শান্তি প্রতিষ্ঠার জন্য যুদ্ধের অনুমতি প্রদান করেছিলেন। ধর্মের উপর আক্রমণকারীদের বিরুদ্ধে যুদ্ধ করাই হল প্রকৃত জিহাদ। অন্য যেসব যুদ্ধ হয়ে থাকে তা একটি মুসলিম দেশের সাথে অন্য মুসলিম দেশের হোক, অথবা অমুসলমানদের সাথে মুসলমানদের হোক, তা রাজনৈতিক ও জাতিগত যুদ্ধ। বর্তমানে যেসব যুদ্ধ হচ্ছে, এগুলো রাজনৈতিক ও জাতিগত যুদ্ধ। এগুলো জিহাদ নয়। আল্লাহ তা'লা নিজের পরম শক্তিশালী হবার ঘোষণা পুনঃব্যক্ত করতে গিয়ে বলেছেন - ধর্মের উপর আক্রমণকারীদের বিরুদ্ধে আমি ধর্মের অনুসারীদের সাহায্য করবো। যেহেতু আল্লাহ তা'লার ঘোষণানুসারে শেষ ও পূর্ণাঙ্গ ধর্ম ইসলাম তাই আল্লাহ তা'লা মুসলমানদেরকে সাহায্যের অঙ্গীকার ব্যক্ত করেছেন। আর اللَّهُ لَقَوِيٌّ عَزِيزٌ। অর্থাৎ, আল্লাহ তা'লা অতিশয় শক্তিশালী বলে এ কথার ঘোষণা দিয়েছেন যে, মুসলমানদের বিরুদ্ধে ধর্মীয় যুদ্ধ হলে অবশ্যই আমি তাদেরকে সাহায্য করবো।

বর্তমানে যেসব যুদ্ধ হচ্ছে মুসলমানরা তাতে বিজয়ের পরিবর্তে পরাজয়ের সম্মুখীন হচ্ছে, এটি একথার জুলন্ত প্রমাণ যে, এগুলো জিহাদ নয় এবং আল্লাহ তা'লার দৃষ্টিতে ধর্মীয় যুদ্ধ নয়, তাই তারা আল্লাহ তা'লার সাহায্য হতে বঞ্চিত।

হযূর বলেন, আজ মুসলমানদেরকে ধর্মের জন্য অস্ত্র ও কামান ধারণের পরিবর্তে নিজেদের ঈমান ও কর্মের সংশোধন করা প্রয়োজন। আল্লাহ তা'লার সমীপে বিনত হয়ে নিজেদের সংশোধনের জন্য কান্নাকাটি করা উচিত। তাহলে কামান ও বন্দুক ছাড়াই জগৎকে আকৃষ্ট করতে সক্ষম হবে। দ্বিতীয়তঃ মুসলমানদের বলা হয়েছে যে, ‘কোন ধর্মের উপর আক্রমণ করার বা বল প্রয়োগ করার অনুমতি তোমাদের দেয়া হচ্ছে না।’ বর্তমান যুগে হযরত মসীহ মওউদ (আ.)-এর শিক্ষাই হচ্ছে পবিত্র কুরআনের সঠিক ব্যাখ্যা। এ শিক্ষা অনুসারে কাজ করুন, আর দেখুন, পরম শক্তিশালী খোদা কীভাবে নিজের শক্তি ও প্রতাপ প্রকাশ করেন।

হযরত মসীহ্ মওউদ (আ.) ইসলামের প্রাথমিক যুগের, মুসলমানদের উপর নির্যাতনের প্রেক্ষিতে তাদেরকে জিহাদের অনুমতি প্রদান এবং আল্লাহ্ তা'লার সাহায্য লাভের চিত্র এভাবে তুলে ধরেছেন:

‘যেহেতু ইসলামের প্রাথমিক যুগে মুসলমানরা সংখ্যায় অল্প ছিল। এ জন্য তাদের বিরোধিরা অহংকারবশতঃ যা প্রকৃতিগতভাবে এমন লোকদের মন ও মস্তিষ্কে বিদ্যমান থাকে, নিজেদেরকে ধন-সম্পদ, টাকা-পয়সা, সংখ্যাধিক্য, মানসসম্মান এবং আভিজাত্যে অন্যান্য দল থেকে উত্তম মনে করত। তারা সে সময়ের মুসলমান, অর্থাৎ সাহাবাদের প্রতি চরম শক্রতা রাখতো। তারা এটা চাইতো না, এই ঐশী বৃক্ষের চারা পৃথিবীতে রোপিত হোক। বরং তারা ঐ হেদায়াতপ্রাপ্তদের ধ্বংস করার জন্য সর্বাত্মক চেষ্টা করছিল। আর দুঃখ-কষ্ট দেয়ার কোন সুযোগ হাত ছাড়া করেনি। তাদের ভয় ছিল - এই ধর্মের ভীত কোথাও দৃঢ় না হয়ে যায়, এবং এ ধর্মের উন্নতি তাদের জাতিসত্তা ও ধর্মের ধ্বংসের কারণ না হয়ে যায়। সুতরাং, এই ভয় যা তাদের হৃদয়ে এক প্রকার আতঙ্ক হিসেবে বিরাজমান ছিল, এ কারণে অত্যন্ত নির্মম ও নিষ্ঠুর কর্মকাণ্ড তাদের দ্বারা সংঘটিত হয়েছে এবং নির্মমভাবে অনেক মুসলমানকে হত্যা করেছে। দীর্ঘ তের বছর পর্যন্ত এই ধারা অব্যাহত ছিল। খোদার নিষ্ঠাবান বান্দাদের নির্দয়ভাবে এসব নিকৃষ্ট জন্তুদের তরবারি দ্বারা টুকরো টুকরো করা হয়েছে। এতীম ছেলে-মেয়ে এবং দুর্বল নারীদেরকে অলিগলিতে জবাই করা হয়েছে। এমন পরিস্থিতিতেও নিশ্চিতরূপে খোদা তা'লার পক্ষ থেকে এই নির্দেশ ছিল, দুষ্টির সাথে লড়াই করা না। অতএব ঐ নিষ্ঠাবান পুণ্যাত্মারা তদ্রূপই করেছেন। তাদের রক্তে অলিগলি রঞ্জিত হয়েছে কিন্তু তারা টু শব্দ পর্যন্ত করেন নি। তাদেরকে কুরবানীর (পশুর) মত জবাই করা হয়েছে, কিন্তু তারা উফ পর্যন্ত করেন নি। খোদার পুত-পবিত্র রসূল, তাঁর প্রতি আকাশ ও পৃথিবী থেকে অগণিত সালাম বর্ষিত হোক, তাঁকে পাথর মেরে অসংখ্যবার রক্তাক্ত করা হয়েছে, কিন্তু সততা ও অবিচলতার এই পাহাড়, এ সব নির্যাতন প্রশস্ত চিন্তে এবং হাসিমুখে সহ্য করেছেন। তাঁর ধৈর্য ও উদারতার ফলে বিরুদ্ধবাদীদের দুঃসাহস ক্রমান্বয়ে বাড়তে থাকে এবং এই পবিত্র জামাতকে তারা নিজেদের শিকার মনে করে নিল। তখন সেই খোদা! যিনি চান না যে, পৃথিবীতে যুলুম-নিযার্তন ও নিষ্ঠুরতা - সীমা অতিক্রম করুক, তিনি নিজের নির্যাতিত বান্দাদের স্মরণ করলেন এবং তাঁর ক্রোধ ঐ হীন-নিকৃষ্টদের বিরুদ্ধে প্রকাশ পেল। তিনি তাঁর নির্যাতিত বান্দাদেরকে তাঁর পবিত্র বাণী কুরআন শরীফের মাধ্যমে জানালেন, তোমাদের সাথে যেসব আচরণ করা হচ্ছে, আমি সবই দেখছি। আমি আজ থেকে তোমাদের প্রতিহত করার অনুমতি দিচ্ছি, আমি সর্বশক্তিমান খোদা! যালেমদের শাস্তি না দিয়ে ছাড়বো না। এ নির্দেশকেই অপর ভাষায় ‘জিহাদ’ নাম দেয়া হয়েছে। আর সেই নির্দেশের মূল বাক্যাবলী পবিত্র কুরআনে এখন পর্যন্ত সুরক্ষিত আছে তা হল:

أَذِّنْ لِلَّذِينَ يُقَاتَلُونَ بِأَنَّهُمْ ظَلِمُوا وَإِنَّ اللَّهَ عَلَىٰ نَصْرِهِمْ لَقَدِيرٌ الَّذِينَ أُخْرِجُوا مِن دِيَارِهِمْ بِغَيْرِ حَقٍّ

(সূরা আল্ হাঙ্ক: ৪০-৪১)

অর্থাৎ যাদের অন্যায্য ভাবে হত্যা করা হয়েছে আর মাতৃভূমি থেকে বিতাড়িত করা হয়েছে, খোদা তা'লা তাদের আকুতি শুনেছেন ও তাদের মোকাবেলা করার অনুমতি প্রদান করেছেন। খোদা তা'লা নির্যাতিতদের সাহায্য করতে পূর্ণ ক্ষমতাবান। কিন্তু এই নির্দেশ যুগের অবস্থানুযায়ী সীমিত সময়ের জন্য ছিল, এটি সকল যুগের জন্য প্রযোজ্য ছিল না। বরং ঐ যুগ সম্পর্কে ছিল, যখন ইসলাম গ্রহণকারীদেরকে ছাগল ভেড়ার ন্যায় জবাই করা হত।’

(গভর্নমেন্ট ইংরেজী আওর জিহাদ - রহানী খাযায়েন, ১৭তম খন্ড, পৃ: ৫-৬)

সর্বশক্তিমান খোদার শক্তি দুর্বলদের পক্ষে প্রকাশ পেল আর বিশ্ববাসী জানে, ঐ সকল নির্যাতিতদের, যাদেরকে মক্কায় জলন্ত আগুনের উপর শোয়ানো হতো, চাবুক মারা হতো এবং যাদের দেহ চিরে ফেলা হতো, সেই শক্তিধর খোদা তা'লার সাহায্যে তারা শুধু এ নিযার্তন থেকে রক্ষাই পায়নি, বরং তাদেরকে রোম ও পারস্য সাম্রাজ্যের উত্তরাধিকারীও করা হল। এ হচ্ছে শক্তিশালী খোদা তা'লার মাহাত্ম্য।

এটি ঐতিহাসিকভাবে প্রমাণিত যে, সত্য সর্বদা জয়যুক্ত হয়েছে এবং সকল নবীর বিরোধিরাই মন্দ পরিণামের শিকার হয়েছে। যতদিন মুসলমানরা ইসলামের সঠিক শিক্ষার উপর প্রতিষ্ঠিত ছিলেন, বিজয়ের পর বিজয় তাদের পদচুম্বন করেছে।

বর্তমানে মুসলমানদের ভেতর উন্নতির কোন লক্ষণও দেখা যাচ্ছে না। হ্যাঁ, যারা ইসলামের দিকে তাকাচ্ছে, তারা কেবল মুসলমানদের লাঞ্ছিত, নিগৃহীত হতে ও মার খেতে দেখছে। তবে কি আল্লাহ্ ও তাঁর রসূলের বিজয়ী হবার অঙ্গীকার (নাউযুবিল্লাহ) মিথ্যা প্রমাণিত হচ্ছে, অথবা এই অঙ্গীকার মেয়াদোত্তীর্ণ হয়ে গেছে, যা কেবল একটি নির্দিষ্ট সময়ের জন্য ছিল, নাকি আল্লাহ্ তা'লার শক্তিতে কোন ঘাটতি হয়েছে? এসব কথার পুরোটাই ভুল।

আল্লাহ তা'লার অঙ্গীকারও সত্য, কিয়ামত পর্যন্ত ইসলাম ধর্ম স্থায়ী হবার ও উন্নতি করার যে ভবিষ্যদ্বাণী রয়েছে, তাও সত্য। আর আল্লাহ তা'লার অন্যান্য গুণাবলীর ন্যায় তাঁর মহাশক্তিশালী হবার গুণও বিদ্যমান আছে আর প্রতিষ্ঠিত থাকবে। তার সর্ব ক্ষেত্রে বিজয়ী ও শক্তিশালী হবার প্রমাণ দেবার জন্যই এ যুগের ইমাম বানিয়ে হযরত মসীহ মওউদ (আ.)-কে প্রেরণ করেছেন। আল্লাহ তা'লা তার উপরও এ ইলহাম করেছেন, **كَتَبَ اللَّهُ لَأَغْلِبَنَّ أَنتَ وَرَسُولُكَ** (সূরা আল মুজাদেলা: ২২) {আল্লাহ লিখে নিয়েছেন যে, নিশ্চয়ই আমি এবং আমার রসূলগণই বিজয়ী হবো!}

এরপর হযূর হযরত মসীহ মওউদ (আ.)-এর উপর নাযিলকৃত বিভিন্ন ইলহাম তুলে ধরেন, যাতে খোদা তা'লা স্বীয় শক্তিশালী হবার এবং শেষ যুগে মসীহ মওউদ (আ.)-কে সাহায্য করার প্রতিশ্রুতি দিয়েছেন। হযরত মসীহ মওউদ (আ.)-এর নেতৃত্বে ইসলাম ধর্ম পুনরায় সুদৃঢ় ভাবে বিশ্বে প্রতিষ্ঠিত হবে এবং সুনামের সাথে পৃথিবীর প্রান্তে প্রান্তে ছড়িয়ে পড়বে।

হযরত মসীহ মওউদ (আ.) বলেন:

‘মহা প্রতাপশালী খোদা আমাকে এই সুসংবাদও দিয়েছেন যে, কতক রাষ্ট্র প্রধান ও রাজা-বাদশাহ্ আমাদের জামাতে প্রবেশ করবেন। আর তিনি আমাকে বলেছেন, আমি তোমাকে কল্যাণের পর কল্যাণ দান করব এমনকি বাদশাহ্ তোমার পোষাক থেকে কল্যাণ অন্বেষণ করবে।’

(বারকাতুদ দোয়া - রহানী খায়েরন - ৬ষ্ঠ খন্ড - পৃ: ৩৫)

তিনি (আ.) অন্যত্র বলেন,

‘এই কল্যাণ অন্বেষণকারীরা বয়'আত গ্রহণ করবে, আর তাদের বয়'আত গ্রহণ করার কারণে সাম্রাজ্যও তাদের হয়ে যাবে। এরপর কাশ্ফে আমাকে সেসব বাদশাহ্ দেখানো হয়েছে যারা ঘোড়ায় আরোহিত ছিল আর তাদের সংখ্যা ছয়-সাত জনের কম নয়।’

(তায়কিরাহ্ - পৃ: ৮ - ৪র্থ সংস্করণ)

হযরত মসীহ মওউদ (আ.) বলেন:

‘এটি খোদা তা'লার সুন্নত, যখন থেকে তিনি এ জগতে মানুষ সৃষ্টি করেছেন, তিনি সর্বদা এ সুন্নত প্রকাশ করেছেন যে, তিনি নিজ নবী এবং রসূলদেরকে সাহায্য করে থাকেন। আর তাদেরকে বিজয় দান করেন। যেভাবে তিনি বলেছেন **لَا يَزَالُ يُبْعَثُ رُسُلًا** (সূরা আল মুজাদেলা: ২২) আর বিজয়ের অর্থ হলো, যেভাবে নবী এবং রসূলদের এ আকাজ্জা থাকে যে, খোদার অস্তিত্বের অকাট্য প্রমাণ পৃথিবীতে প্রতিষ্ঠিত হোক, আর তার মোকাবেলা যেন কেউ করতে না পারে। এভাবে আল্লাহ তা'লা প্রবল নিদর্শনসমূহ দ্বারা তাঁদের (নবীদের) সত্যতা প্রকাশ করেন আর যে সাধুতা তিনি জগতে প্রতিষ্ঠিত করতে চান, (খোদা তা'লা) তাঁদের হস্ত দ্বারাই তার বীজ বপন করেন, কিন্তু এর পূর্ণতা তাঁদের হাতে করেন না। বরং এমন মূহূর্তে তাদেরকে মৃত্যু দান করেন, যখন বাহ্যিকভাবে এক প্রকার ব্যর্থতার ভীতি বিদ্যমান থাকে এবং বিরোধীদেরকে হাসি-ঠাট্টা, বিদ্রোপ ও উপহাস করার সুযোগ দেন। আর যখন তারা হাসি-ঠাট্টা করতে থাকে তখন তিনি আপন কুদরতের অপর হস্ত প্রদর্শন করেন, আর এমন উপকরণ সৃষ্টি করেন যার মাধ্যমে সেই উদ্দেশ্য সমূহ, যার কতক অসম্পূর্ণ ছিল, তা পূর্ণতা লাভ করে।

(আল ওসীয়্যত - রহানী খায়েরন - ২০তম খন্ড - পৃ: ৩০৪)

খুতবার শেষাংশে হযূর বলেন, আল্লাহ করুন আমরা যেন সর্বদা আল্লাহ তা'লার পূর্ণ আনুগত্যের মাঝে থাকি। সকল গুনাহ্ থেকে যেন মুক্ত থাকি। আল্লাহ তা'লার ভালবাসার আশুন প্রত্যেক আহমদী নিজ হৃদয়ে প্রজ্জলিত করুন যাতে সমস্ত নোংরামী পুড়ে ছাই হয়ে যায়, এরপর আমরা বিশ্বাসীকে সেই দৃশ্য দেখাব যা দেখানোর আশা ও আকাজ্জা আমাদের হৃদয়ে আছে। আল্লাহ করুন যেন এমনই হয়, আমীন।

(প্রাণ সূত্র: কেন্দ্রীয় বাংলা ডেস্ক - লন্ডন, ইউ.কে)